

四庫全書

史部

欽定四庫全書

硃批諭旨卷一百四十八

硃批黃之雋奏摺

雍正三年八月十八日提督福建學政左春坊左

中允臣黃之雋謹

奏為欽奉

上諭事臣准督臣覺羅滿保撫臣黃國材移准吏部咨
奉

上諭凡文武官員曾經面奉諭旨除不能記載外俱將訓旨一一詳細將年月日一同繕寫進呈等因通行到臣臣蒙

皇上特恩命臣提督福建學政於雍正元年十一月初二日恭請

聖訓蒙

召見養心殿

聖諭云汝學問好此去盡心辦事做官好朕知之不好

朕亦知之臣隨叩謝蒙

皇上重恩不次超擢

臣

惟竭盡

臣

職不敢纖毫苟且

聖諭云非但不苟且凡地方上有所見聞可寫摺子奏
來所奏之語切不要使人知務必謹密但不可因此
挾制他人凡奏事摺可令家人齎進請安摺附督撫
皆可福建路甚遠此去又有三年欽此臣字字銘心
叩首而出自到任至今歲試八府一州已竣臣見
閩省文武大吏皆由

皇上簡擇任用其人品行事皆在

宸衷洞鑒之內至於府縣各官臣就按試時所見邵武

府知府曹友夏清勤愛民漳州府知府耿國祚才

優辦事臣試汀州時署汀州府事同知李暉勤慎

有守試建寧時知府辦銅公出署建寧府事同知

任煥亦有才幹又如莆田知縣朱子瓏南靖知縣

彭璋長汀知縣趙煌俱謹慎晉江知縣葉祖烈勤

敏福安知縣傅植明亮至臣所經過縣分一宿而

去未能深悉就臣所見如此今奉

上諭謹將前所請

訓旨繕寫恭呈

御覽因奉

訓旨內令臣言所聞見謹連接繕寫固封遣家人齎進

伏乞

睿鑒謹

奏

知道了將前面諭之旨另具摺單開寫進呈

同日又

奏臣材質庸駑荷蒙

皇上簡任督學閩省

陛辭之日跪領

聖訓鏤心銘腑到任後復蒙

皇上拔置坊僚兩邀

寵擢感激無地伏念臣下之仰承

皇上如天之覆幬

皇上之知人善任如天之照臨無微不至無遠弗屆臣

今歲試已周謹將臣所已行者據實敷陳以仰求

訓誨臣自奉

命以來日念督學一職首在端學術以正人心而厚風

俗次及衡文以闡明聖賢之道臣見閩地負山襟

海形勢壯固土俗皆能治生兵民皆知畏法良由

聖德所暨者遠

聖化所洽者深是故文武協和兵民相安山陬僻壤素稱刁悍之俗者亦皆率循至通省士子雖多向善守法而其間越禮犯科者亦所在而有臣仰體

皇上教戒至意反覆開導刊布禁約累數千言頒行府州縣學示以義利禍福已禁而仍犯者即行褫革悔過而自新者亦量予開復又於學宮行香講書之時和氣正色令諸生旅進環立喻以

皇上崇儒育材廣取士之額舉孝廉之行嚴加等之法

有善必獎有惡必懲欠糧已訟萬萬不可又恐言語未必盡通令教官以土音遍告之繼蒙

欽頒

工諭

廣訓

御製朋黨論即選工敬刊分行各學令生童朝夕肄業務使身體而力行之又閩為宋儒理學之邦臣留心採訪索其著述見諸生中有好學深思之士能

發明理道之奧者意其行誼必有可取容臣核實

而獎薦之庶理學一途人知所勸至於衡文以制

義為憑

臣謂不讀五經則根柢不深不參宋儒則

理解不的不讀古文則筆力不高不法先輩則家

數不合而又非為人深潛純粹有所實得則亦不

能暢然而成章

臣刊發條約以此立教校試臣蒙

恩視學有造士之職苟非殫精竭誠何以上報

聖主下酬夙志是以校試所至凡屬生童視如弟子法

嚴心慈手勤語復受任至今髮白眼昏而忘其勞

瘁冀仰答

聖恩於萬一今將科試各府畧陳愚悃恭懇

聖慈再加


訓示俾臣益有所遵守以勉所未能不致有負

皇上重選使臣之至意臣謹

奏

百凡宜務實行不在文字語言間也至於頌聖諛詞朕

尤厭觀今此奏甚覺浮泛不切類斯等奏章嗣後竟可
不必朕實無暇披閱也



硃批諭旨卷一百四十八

欽定四庫全書

硃批諭旨卷一百四十九
史部
上下

臣
永瑤恭校

編
臣
蔭表謹覆勅

總校官中書
臣
朱鈐

校對官中書
臣
徐步雲

謄錄監生
臣
張恒

欽定四庫全書

御批諭旨卷一百四十九上

御批魏廷珍奏摺

雍正元年六月二十八日湖南巡撫臣魏廷珍謹

奏為恭報早稻收成仰慰

聖懷事臣荷蒙

皇恩擢撫偏沅仰體

皇上愛民重農至意凡民間雨水田禾不時查詢今歲

湖南自春至夏雨暘時若目下早稻已經刈獲據

奏收成七分至九分不等未悉七分者若干處九分

者若干處米價五錢四分至八錢不等未悉五錢

四五分者幾州縣八錢者幾州縣後奏報俱當分

析明白庶不致牽混更不可絲毫粉飾以仰慰聖懷為

辭非屬之瀘溪縣靖州屬之通道會同綏寧天柱四縣

每石價至一兩有零至中稻現在吐穗揚花晚稻

禾苗茂盛地方寧靜兵民樂業除中晚二稻容至

秋間另報外所有早稻收成及米糧價值理合先

阿順迎合殊負朕股肱任用之意勉之

禾苗茂盛地方寧靜兵民樂業除中晚二稻容至

秋間另報外所有早稻收成及米糧價值理合先

禾苗茂盛地方寧靜兵民樂業除中晚二稻容至

秋間另報外所有早稻收成及米糧價值理合先

禾苗茂盛地方寧靜兵民樂業除中晚二稻容至

秋間另報外所有早稻收成及米糧價值理合先

禾苗茂盛地方寧靜兵民樂業除中晚二稻容至

行

奏明再臣到任甫經兩月地方事宜悉心料理次第具

奏至庫中錢糧俟原任布政司宋致到長沙交盤清楚再報合併聲明謹

奏

知道了爾向日居官為人清正和平朕所悉知但惟欲避垢離塵以求自潔而不肯任勞任怨令膺巡撫重任

非當日清高閒散之職可比處事貴剛果嚴厲不宜因循退縮地方利弊之應草應興屬員賢否之應舉應錯須盡力振作一番方冀可收成效楚省近年以來被滿丕王之樞張連登宋致張聖弼等貪庸之流剝削糜爛吏治民生胥不可問矣此輩皆當立正典刑之人朕不忍即加誅戮暫寬其死全賴爾等殫竭心力滌除惡習將從前一切虧空之貪吏劣員盡情叅革勒追彌補若猶不能完楚即題請將滿丕等削職拏解該員著落賠

償斷不可連累新任屬員滋擾百姓尤不可將舊任屬員革職留任賠補俾令遺害地方切須秉公破面為之母得絲毫瞻徇私情此數人皆大有手眼財賄通神汝若不能支撐少被搖動代人負罪見棄於朕恐無能為汝周全者也凡事悉與楊宗仁商計而行於此數人不少寬假倉庫自能填實汝等亦何憚而不為之宋致到後不但司庫錢糧即通省虧空俱應向伊清楚伊至不能展轉時自必供出滿丕王之樞伊等三人實為罪魁

貨悖而入者亦悖而出殊不為枉也密之勿露撫標兵
丁直省撫臣率皆不以為事就中惟孔毓珣標下整齊
可謂天下第一爾極當留心鼓舞訓練不可疎懈

雍正元年九月初六日湖南巡撫臣魏廷珍謹

奏為恭報秋成事竊湖南早稻收成經臣於六月內
具摺奏

聞今各屬中稻晚稻俱已陸續刈獲據七府二州所屬
及布政司鄭任鑰彙報臣復差查其收成有六分

七分八分不等收成六分者共十九處七分者共
二十九處八分者共十七處又查各府州縣米價
貴賤隨時長落不一其現在報到者自五錢二三
分起遞至一兩不等其五錢二三分者共三處自
六錢起至零六七分者共十一處自七錢起至零
八九分者共三十一處自八錢起至零四五分者
共十二處九錢者共二處一兩者共六處地方寧
靜兵民樂業所有秋成分數米糧價值理合

奏明再臣接部文奉

旨差兵科掌印給事中陳世倬至湖南採買米石今於
八月二十八日已到長沙與臣較長沙市斛比

發下倉斛大有加一其價貴賤亦殊俟採買後臣
另報隨於九月初四日赴湘潭採買其到長日期
科臣自具一摺親送臣處代為恭齎合併奏

聞謹

奏

覽所奏收成米價數目甚悉陳世倬採買米石如有滋擾地方處不可絲毫隱諱亦不可慮及次年更來過言採買之無益務須據實奏知

雍正元年十一月二十五日湖南巡撫臣魏廷珍
謹

奏臣查湖南地方水陸要衝苗搖雜處道府州縣管轄多係要隘之處今臣查得湖南現在缺員府守則有衡州寶慶常德辰州知府四員未到任廳佐

則有長沙寶慶通判二員未到任州縣則有武岡靖州桂陽長沙瀏陽寧鄉安仁耒陽新化城步巴陵華容慈利沅陵麻陽興寧綏寧十七員未到任以上共二十三缺乏員治理即委員兼攝道途往返需時恐有顧此失彼之虞又明春二月鄉試內外簾官約需二十餘員地方遼濶庶務曠廢關係匪輕如部中有已奉陞補銓選者伏祈

皇上敕部催令赴任庶綏輯得人而巖疆大有裨益矣

為此謹

奏

已將人員揀選發來矣據部臣奏稱未到任人員竝未逾限因值封印未及領憑耳

爾之居官廉謹安靜固在不言但過於軟懦非封疆所宜聞該省許多命案處斷不當皆傳為笑柄夫賞善罰惡首貴得中次則寧嚴毋寬督撫大吏常過於嚴有裨政治火烈民望而畏之故鮮死焉寬之一字古人所難

豈爾輩中材所能者耶一被屬員小民覷破慈柔罷軟則百度廢弛難以振作矣地方無事時猶可將就倘小有舉發怠玩成風為害匪淺至於武備尤為急務若偏執以德化人之說視干盾甲冑為棄物操習巡防為具文殊與國家寬猛兼濟恩威竝施之教大相逕庭也讀朕訓諭當加意整飭一番務令營伍改觀聞爾標下兵丁甚屬不堪嗣後若仍固執儒生迂見不顧國家重計則大負朕信用委託之意矣勉之

甄別將領優劣訓練標營兵弁申明法紀懲姦罰惡絲毫無容寬懈再諭

同日又

奏臣查湖南藩庫錢糧宋致任中除去解過并實存數目查出虧空十萬七千餘兩又欠湖北藩庫中一萬七千餘又欠各州縣軍需動用銀兩一萬七千餘又應補解過巡荆道庫銀四萬七千餘俱未清完已經具疏

題叅但據宋致詳稱係前任督臣滿丕撫臣王之樞

批明動用以為軍需等費所以請

發來楚或就近問供以清庫項統祈

皇上批示遵行又督臣楊宗仁轉傳

上諭各州縣倉穀務須顆粒實在不得存貯折價

聖諭諄切無非為百姓儲蓄之備也臣即行各州縣將
但須實心奉行方好若泛泛飭行數次文書因循罷軟
存折價銀勒令買補仍不時嚴查如有虧空即陸
一無勸懲不肖有司仍視為故套其弊不能振作改革
續

也竭力為之庶幾有濟
奏明以憑究追又奉

旨問及湖南採買米石一事以臣愚昧之見亦視乎每
年收成若何如有八九分十分豐收即採買十萬
石亦屬易辦如收成不足八九分似宜停止蓋自

此舉

似乎無益來歲可停止也
湖北以至江南一帶俱仰賴湖南之米販出既多
米價必昂雖湖南出米之鄉而民食亦貴也今歲

科臣陳世倬採買米石錢糧清楚無累地方辦事
亦敏今已買完十萬石俱照

發下部斛分五幫次第起行矣又長沙湘潭衡陽三處所買之米貴賤均算京斛一石合銀六錢七分餘再加一路船戶腳價食米共一石約得一兩一錢可以抵通理合一併奏

聞謹

奏

所奏俱悉

雍正元年十二月二十日湖南巡撫臣魏廷珍謹

奏科臣陳世倬會同臣採買米十萬石俱已全完滿
載船隻於十二月十二日自長沙過江起行因江
中守風至十九日方盡離長沙北上臣查所買之
米合部斛十萬石共支司庫銀六萬七千六百七
十三兩餘又雇覓民船一百四十五號合一路脚
價食米起撥等項共支司庫銀三萬八千六百九
十五兩餘又外帶去銀五千兩以為沿途費用如
有餘剩到京交部以上共支司庫銀十一萬一千

三百六十九兩餘臣即委長沙協守備王成功押到淮安交替又委衡州府同知俞欽押到通州已
經具疏

題報科臣又因船隻衆多運經大湖長江前後恐不
能照顧面與臣議又委茶陵州州判朱光表押送
過江再委湘潭縣縣丞崔錯千總雒璧二員管押
到京理合一併

奏明所有米石採買全完米船俱過長沙情由及科

臣一摺一併奏

聞謹

奏

知道了陳世倬於此採買米石一事始終料理若何據實奏知毋得絲毫徇情瞻顧

雍正二年二月初二日湖南巡撫臣魏廷珍謹

奏臣任兩淮鹽差一年所運辛丑一綱鹽引各項中有節省銀兩臣去歲三月離任之時通綱合算雖

有節省之銀但鹽引未經銷完而節省之銀並未
實收入庫臣即飭運司何順并兩淮商人將此項
節省銀兩速收入庫去後今當辛丑鹽引

奏銷之期臣所運一綱之事已竣於正月十四日據
運司何順及兩淮商人報到辛丑一綱各費節省
銀共收九萬三千兩又臣在兩淮一年經費銀一
萬三百五十六兩除臣一年日用飲食及四季節
賞衙役外尚餘銀五千兩臣離任之時仍封貯運

司庫中又據行鹽衆商屢蒙

聖恩感激莫報情願捐助兵餉六萬二千兩以上三項
共合銀十六萬兩今已收完實貯兩淮運庫聽候
撥解為此具摺

奏明將此項銀兩解部充餉伏祈

皇上批示遵行謹

奏

知道了潔已奉公可謂不負

聖祖之拔擢任用也行文何順將此項銀兩解交戶部

雍正二年閏四月十九日湖南巡撫

臣魏廷珍謹

奏臣查湖南地方最險要者惟洞庭湖自到任以後

即差人裏外探視一年之間已三次出入備悉情

形極為安靜

臣謹為

皇上陳之查洞庭湖為楚南諸水所匯成為大湖其中

惟湘沅澧三江之水最大其湘江自南來入洞庭

之南口有長沙協副將兵在上流防之其沅江自

西來入洞庭之西口有常德提督標兵在上流防
之其澧江自西北來入洞庭之西北口有澧州叅
將兵在上流防之其洞庭湖水之出口在東北岳
州下流直達武昌有岳州叅將兵在湖口防之又
有洞庭水師副將兵一在常德一在岳州巡防此
洞庭湖之周圍設兵安塘俱有規模也至洞庭湖
之中雖有數山皆是孤立無曲港泊舟之處其中
所用米糧多仰賴于四岸州縣况既無泊舟之處

而匪人亦不能作巢穴所以至今安靜臣嘗差人
過湖往探其水自春至秋正泛漲之時一片汪洋
無際及至冬間衆水歸壑各處洲渚畢露水涸沙
長其深者不可測其淺者僅深尺餘舟到其中往
往阻淺不能通行所以湖之裏外帖然無事此洞
庭湖目前情形理合具摺奏

聞謹

奏

朕亦聞近來甚屬平靜但恐日久懈弛或致姦宄潛藏
時加小心防範可也

同日又

奏臣查湖南各屬報到今歲自二月以迄四月大湖
以南州縣晴雨及時各屬早稻無不徧插秧苗茂
盛至湖南米價隨時長落不一長沙府現在米一
石價九錢五分餘至各州縣衛所報到七十三處
現在米價自六錢五分至一兩一錢不等其六錢

五分至零七八分者有八處其七錢至零六七分者有二十一處其八錢至零七八分者有二十三處其九錢至零六七分者有一十三處其一兩至零一錢餘者有八處又湖南地方宜稻不宜麥州縣報到種麥者甚少今查得二麥收成自六分至八分不等其收六分者有七處其收七分者有七處其收八分者有九處除四月以後雨澤米價及早稻收成容臣另報外所有現今晴雨及時春麥

收成早稻徧插米穀價值地方安靜各緣由合先具摺奏

聞謹

奏

覽奏湖南米石價平麥收稻茂深慰朕念但不可絲毫涉於粉飾

同日又

奏湖南鄉闈初創士子踴躍來試者八千四百餘人

無不懽忻鼓舞感戴

聖恩至揭曉後士民翕然各無異言安靜之極又衆士

子俱赴臣處具呈以湖南分闈既蒙

皇上特恩矣但湖南湖北學差一人則一歲一科考試
此事前經有人條奏朕意欲允從尚在斟酌爾膺封疆
重任只應留心地方民生事宜何乃專以市恩士子為
才如再添設一學政衙門或學院或學道則一歲
務朕正思革除祖護科目之習豈肯曲遂爾沽名之舉
一科考試及錄遺才俱得其宜但事關添置學差
乎因爾此奏竟不行矣
非敢輕議又不敢不據實以

奏如出自

今若據爾奏請而降旨施行則士子自必惟爾是感也

皇上特旨則士子必感出意外矣又於閏四月十三日

接到督臣楊宗仁差齎

上諭一道至長沙為社倉一件有奉行不善令熟籌經久之法臣跪讀之下仰見

聖明無微不燭洞見地方利弊如指諸掌臣查湖南各屬有報到社倉捐穀者俱俟今秋稻熟之後方行入倉此時捐輸實貯者甚少如有奉行不善之州

縣容臣再查今當

奏銷之期督臣楊宗仁目下即到長沙盤查司庫臣
即會同司道與督臣熟籌經久之法另行具報合
將奉到

上諭緣由一併奏

聞謹

奏

爾除操守之外一切吏治毫無可取

同日又

奏臣於二月十六日在貢院中接到

御批奏摺蒙

皇上問及科臣陳世倬採買一事臣自其離長沙後又復細查其於司庫銀兩收支俱清其於米行鋪戶出放錢糧不使有浮開盈餘又聞其過洞庭到漢陽有兩船米被水漏濕乃以濕米風乾散為船戶食米又以各船所帶之食米歸作正米其辦事敏

知道了

提其於錢糧實係清楚臣於三月二十三日齎摺人回又蒙

聖旨嚴諭諄切

臣

捧讀之下惶愧自咎累日不能食臣

縱能

辟穀休糧亦何益之有

到湖南接前任廢弛之後倉庫不清一年之內州

縣六十五員已更換三十餘人矣知府七員已更

被楊

宗仁所迫不得已而為之耳

換六人矣半是新任不時嚴飭無非欲振起地方

斷不敢寬縱屬員也至於撫標兵丁臣到任後查

其營伍果然不整即於去年十月中製造大小旗

幟一百六十八面又製火藥一千三百餘斤令演

顧力

進步連環鎗今年三月又買硝三千斤配火藥又

八百身棉甲褂俱換新面定於三六九日操演其

行何如耳豈在多言

湖南書院惟有嶽麓山一處係朱子在長沙講學

將部

之所仍存其舊其餘他處並未設立書院若夫承

駁奉有嚴旨數案反覆檢視自問可也

審命盜等案因前任積下甚多臣到任後一年之

間共

咸

題結三十餘案矣其中有拘泥律例不知變通者已

似此糊塗草率希圖了結經駁轉一次之後耽延遲

滯更為何如試思之

另行檢舉且臣今年已五十六歲矣既無兄弟尚

無子嗣又無多田宅荷蒙

聖恩高厚操守二字朕原嘉許何煩自陳盜名之疵則過於偷懶難名豈敢有一毫自欺偷懶之處但臣才識

庸陋不能仰承

天心果若不能仰承則誤用之咎朕莫能辭是何言歟有煩

睿慮臣罪何辭惟有望

皇上時加訓誨俾得成人更加勉力以仰報

聖恩於萬一耳所有臣接到

硃批奏摺理合恭繳謹

奏

嗣後仍不加勉自勵斷乎不可

雍正三年二月初九日盛京工部侍郎臣魏廷珍

謹

奏臣到任後檢查檔案據

昭陵掌關防董魁邦等咨文

寶頂因年久風雨石灰三合土剝落臣即親到仰瞻已

繕本具

題修整臣又查得康熙六十年中

福陵

昭陵寶座褥子年久色舊另行新製

盛京戶部無此色樣緞疋隨即具

題領取今該部已自

都京領到織造緞疋理合

奏明臣一面差官敬謹裁製安設又查得康熙五年

陟宮新有安設褥子等項將舊者即於歲暮在

陟前焚燒又查工部庫中亦有存貯

陟宮更換舊物應否存貯或宜焚燒臣未敢擅便理合繕

摺請

旨欽遵施行謹

奏

移咨詢明京中工部循照舊例遵行

雍正三年四月二十八日盛京工部侍郎臣魏廷

珍謹

奏臣接到

福陵掌關防雅圖據總管來文內開石壘河堤馬頭等處

倒壞臣已具

題修理外又開大河之內東西小河溝長三百一十六丈五尺寬一丈三尺又有自東山流水二溝俱各年深日久不曾修理被風雨吹旋淤沙填滿若不修理倘遇大水流去不及必致

正門兩傍牌樓紅牆等處浸壞亦未可定等因臣即親自會同關防總管查看內小河溝東西共長三百餘丈收東山之水過

福陵之前至西南歸入大河其入大河之口現在尚有一丈四尺餘深並無點水存貯以臣愚見常使內河身高於外河水面其流下入大河必速小河內必不存水若一加深挑內河身低於外河水面再當夏秋陰雨外河水發其水面高於內河之底則外

河恐致倒灌於內又查工部文卷歷來並無挑挖
小河檔案又正當

陵寢前面未敢輕議挑濬臣已回咨關防再加商酌盡善

方可請

旨遵行臣亦不時親自查看夏秋雨水果否外溢再行
奏請此項工程未敢遽挑相應將此情由先為具摺
奏

聞謹

奏

如此方見實心任事甚屬得理殊為可嘉

雍正四年二月二十四日江南安徽巡撫臣魏廷珍謹

奏臣到任後檢查各項檔案因自去歲九月間新舊接署延積甚多現今陸續查明具

題又查上江地方自冬至春雪雨連綿春氣甚佳麥苗青茂今安慶府米價每石九錢五分其餘各府

俟催齊另行具報謹將所查各件條列

奏明

查得按察司朱作鼎其才屬中才其為人尚質樸
其辦事亦勤在上江十餘年風土熟悉與民相安
惟一切用度盡在州縣節禮中取

已有

旨矣

查得學政俞兆晟初到上江考安徽廬州二府取
文章尚才華其生員童生無私賣之弊但在安慶
府每日供給必要三十餘兩至廬州府每日供給

已有旨矣必要四十餘兩

又查得學政孫嘉淦現今在安慶府考試取文章
此人立品端方居心清白情性鈍滯識見迂濶論文學
在切實者多生員童生無私賣之弊其每日供給
可稱大器論吏治則廢材也
止在二十兩中

又查得新開河一事緣大江自安慶南門又轉東北至樅陽口六十餘里其中江東岸礮石甚多舟楫難行乃自安慶府東門外自江北岸開新河一道北通各湖由湖出樅陽口共四十里餘以避江

磯之險且遠也但必夏秋間江水大發灌入新河
及各湖中然後舟楫可行至冬春二季江水涸退

係因

則新河與各湖俱成陸地臣現今親自查看新河

張指奏請舉行據云開濬甚易約計二萬金可以

成功

今覽所奏情形殊與張指原議迥不相侔爾其再

加斟酌

如下一丈餘始與江水面平所以冬春二季歷來竝

也

未開成河道行舟此新開河之情形也理合備叙

奏明今葛繼孔現在開濬即此河道其開成與否容

俟另行具報

又據布政司博爾多稟明藩司衙門有各州縣解
錢糧耗羨銀內有八千兩為臣衙門中一切應用
飲食之費臣隨令存貯司庫尚未提用因臣家口
甚少所費無多俟將用處另行具報理合先行
奏明伏祈

聖鑒謹

奏

博爾多年餘來居官供職光景若何據實奏聞

同日又

奏臣到任後即查蕪湖正陽兩關稅務惟蕪湖一關
煩雜臣委廬鳳道吳應鳳稽查監收目下稍有條
理至鳳陽一關即委鳳陽府知府朱鴻緒稽查監
收仍俱令所收稅課十日一報收至一月即將一
月收稅檔案解赴臣處查核如或有以多報少及
私收隱漏等弊即行叅處以仰副

皇上恤商裕課至意所有委官管理關務緣由相應恭

摺具報謹

奏

吳應鳳朱鴻緒二人當留心委用其干係皆在爾身也
雍正四年六月初八日江南安徽巡撫臣魏廷珍
謹

奏臣赴江寧會同署督臣張楷清查陞任布政司博
爾多存庫各項查得地丁正項錢糧開明實在存
庫者並無缺欠惟自雍正二年起收存各屬公捐

俸工節禮銀六萬餘兩查此項當日原為彌補上江虧空起見因虧空銀兩後經部議無著虧空將每年各官鹽規補完有著虧空仍向各員名下追補博爾多遂將此項俸工節禮等銀那借三萬三千餘兩並未在庫其餘止存二萬六千餘兩博爾多屢次詳明動用臣俱未批行但此俸工節禮收存數目臣衙門並無底冊可查隨令新司石麟徹底清查今據查明借動各款并博爾多任中掛欠

部平一萬七千餘兩現在無項起解隨即揭報仍
向博爾多名下追補臣查此案已經借動者既懸
項無補而應行補解者又無項起解隨據詳於五
月十九日具

題此中情由合再聲明又臣欽遵

硃批諭旨看得博爾多為人辦事亦勤但任性恃氣不
細心認理初到任與同城官不相和其後來始相
安至於錢糧正項無欠其雜項不清楚合併

奏明謹

奏

已有旨矣其嚴行察審定擬具奏以為若輩負恩者戒
同日又

奏臣又查得新開河一事臣由江寧回過新河口親
看夏間水長形勢自三月初間江水灌入新河已
不能挑濬現在停工查葛繼孔自新河南口挑入
五里自北口挑入五里又查其料估全河工程俱

按張楷所開舊勢挑濬此河共費不過一萬一千餘兩但仍是夏秋行船冬春不能行如開令冬春俱可行船則所費甚多矣蓋冬間新河已成陸地其中高於江水面一丈餘及一丈七八尺者此必開深二丈餘新河冬間始有一丈之水且新河南口抵當江水一帶鐵板沙進口一里餘兩岸又俱係流沙隨挑隨坍仍淤河身即便挑後必須設立歲修非一勞永逸之計共南北四十里開成大河

四季行舟實非二萬金可能辦理莫若令葛繼孔
於直隸興水利之地罰令效力現在可益民生為
急務也此時正在停工難挑之際臣今又新見冬
夏形勢就臣愚見謹將此河前後情由具摺

奏明伏祈

聖鑒謹

奏

據奏如此情形何必徒為無益之舉已有旨詰詢張楷

矣葛繼孔著另候諭旨

同日又

奏臣查上江安慶各屬四月以前雨澤時若稻已布種五月十二日以後霖雨大沛民間俱已插秧目下陰雨連綿數日未休至六月初六日始有晴色又查上江二麥收成據布政司詳到安慶寧國池州鳳陽及廣德六安潁州亳州統計收成七八分徽州滁州屬收成六七分太平府屬收成八分廬

州府屬收成七分和州屬收成八九分惟泗州初
報可收七八分後又被黃水淹沒現行查勘另報
又查二麥價值安慶池州太平滁州廣德泗州亳
州七處小麥一石價六錢至八錢餘大麥一石價
三錢至六錢餘鳳陽六安潁州三處小麥一石價
三錢六分至六錢餘大麥一石價二錢八分至四
錢餘寧國廬州和州三處小麥一石價七錢至一
兩大麥一石價三錢八分至六錢惟徽州小麥一

石價八錢五分至一兩三錢大麥一石價八錢至一兩二錢又查州縣六十處米價長落不一隨處各異就其現在一石價七錢六分者二處八錢至七八分者十處九錢至七八分者二十一處一兩至一兩二錢者二十處一兩三錢至一兩五錢者六處一兩八錢者惟歙縣一處地方安靜人民樂業理合將近日雨澤二麥收成及米麥價值逐一

開明恭呈

聖覽謹

奏

知道了休咎徵應全在爾等督撫大吏之所感召此理實如立竿見影誠之敬之切勿視為渺茫

雍正四年七月二十六日江南安徽巡撫臣魏廷

珍謹

奏臣前

題報泗州地處低窪被黃水灌淹荷蒙

皇上發司庫銀二萬兩

命布政使石麟前往散賑石麟欽遵

聖旨星馳前往泗州被水男婦老幼莫不感頌

皇上天恩歡呼載道可以無煩

睿慮其績

題貴池銅陵等沿江各縣因五月內大雨決旬低田
逼近江岸及臨內河者被水漫溢再因大江水漲
內河之水不能消洩以致低下田地尚多積潦不

能布種除現在委勘是否成災隨到隨

題再點縣石埭等處被水又因山水陡發衝入田畝
雖其勢極速人不及防而易長易消非同平行之
處散漫停瀦故水過之田較之水淹者其被災又
有輕重不同即此幾州縣低田被水其無水高田
仍是稻禾茂盛可望有秋合併聲明謹

奏

吏治不純感召自當各異可望有秋乃汝操守廉潔之

善應是否成災係汝巧譎不實之咎徵

天心人事潛通默契分毫不爽極當敬信而凜畏之不然
非汝福也

雍正四年十一月二十六日江南安徽巡撫臣魏
廷珍謹

奏臣查蕪湖鳳陽兩關稅務一年限滿所收錢糧今
歲比前俱極豐裕除解蕪湖鳳陽兩關正額銀二
十七萬三千八百餘兩又除解兩關銅斤水脚銀

四萬三千三百餘兩外今尚有盈餘銀十萬六千

五百五十兩以臣愚見臣初經管關務正遇豐裕

年歲

豐歉原無一定

之歲但恐將來管關之人或遇年歲豐歉不一客

盈餘

係額外所收

豈有限以定數之理

貨過關多少不齊稅銀或有不足若以此數為常

必至下而需索商民致商人遠道透漏而關稅不

免缺額矣臣請將今歲盈餘銀兩可否仍解戶部

五萬兩其餘五萬六千五百五十兩解貯安徽藩

庫遇米賤之時散於各州縣買穀存貯以備賑濟

之用蓋查上江各州縣存貯米石甚少現在蒙

皇上發帑十萬買貯備賑臣請以此項解餘之五萬六

如此

審計固屬有理但將解貯藩庫糴穀緣由仍行報

部與

否須檢點明白免滋物議方好

起見一為地方積貯起見未知是否伏祈

聖裁指示以便遵行為此謹

奏

整飭地方諸務能一如料理錢糧則可入第一等巡撫之列也自莅任安徽以來若較前湖南之任則不啻霄

壤之分然朕之望汝者尚不止此當更加勉勵振作以仰副朕意

同日又

奏臣監試武闈後仍由江路回安慶已經

題明在案其兩岸被水地方臣一路細加查訊俱已
涸出其晚稻十月至十一月初間收割始完臣問
民田收成分數及布政司石麟所報除被水州縣
已蒙

聖恩發粟賑濟外其各府州縣高阜田土如鳳陽亳州
所屬報收七八九分安慶所屬及泗屬之天長五
河報收七八分徽州池州廬州潁州六安州所屬
報收七分寧國和州廣德報收六分滁州報收六
分以至七分至各屬米價隨時長落不一就其現
在者六十州縣中米一石價五錢至六錢者六處
價七錢至八錢者八處價九錢至一兩者二十八
處價一兩一錢至一兩二錢者十一處價一兩三

錢至一兩四錢者五處價一兩六錢者一處價一兩七錢者一處臣就現在目見及查明者具摺

奏明伏祈

聖鑒謹

奏

今歲江南秋末冬初雨水未免過多目下米價雖未甚昂開春青黃不接不可不豫為籌畫也勉之毋忽

雍正五年閏三月初六日江南安徽巡撫臣魏廷

珍謹

奏臣到任年餘清查各處錢糧其自康熙五十五年
起至雍正三年已經奏銷者查出官役侵蝕俱已
叅處仍尚有未查確之處應嚴定期限速為清理
其中民欠最多者惟徽州府屬歷年丁地米豆折
色民欠共有三十七萬餘兩其餘如寧國池州廬
州滁州和二州俱有五萬餘兩太平府有二萬餘兩
鳳陽泗州潁州俱不過一萬餘兩廣德州屬有五

千餘兩其餘民欠俱少臣愚以為凡經管錢糧之員非親身稽查終恐不實惟州縣官身在其地能親身清釐惟知府直隸州能親身查察所以專責成於知府直隸州而歸重於州縣也又查州縣官到任後一交代出結查出虛捏即干徇隱朦混之咎是以州縣接受交代莫敢自為發覺此後有已交代出結之州縣將虛捏民欠據實查報不敢掩飾者仰懇

聖恩俯照自行查出之例免其處分則州縣官既感戴
皇上寬其冒昧接受之恩又懼不行查出分賠之罪自
必和盤托出而積年民欠可以清矣臣已細列各
項另行繕疏

題明以請

聖旨合併具摺奏

聞謹

奏

覽爾題疏朕甚嘉悅未交部議已降旨允行矣如此則知改悔實心任事矣籌慮殊屬精詳妥協一切若肯悉照此居心行為何愁諸務不就理耶勉之

同日又

奏臣查上江所屬共存漕米九萬一千二百石內安慶府存米六萬一千二百石除放春季三月兵米外其餘經鄭任鑰保住親至安慶每倉俱一一過斛盤量無虧其倉內浮面有氣蒸變色之米俱經

捐淨易換新穀至廬州府存米一萬石今換穀二萬石前因有霉爛據司詳叅一面立押賠補今俱已賠補全完又經鄭任鑰保住親到廬州府每倉過斛盤量無虧仍有鳳陽府存米二萬石今換穀四萬石於三月十九日鄭任鑰保住自安慶擬陽起程上鳳陽盤查尚未據盤查完報合先將盤過安慶廬州二府漕米緣由先行具

奏伏祈

聖鑒謹

奏

盤量無虧甚好但恐其中或有那借富戶米穀搪塞一時亦未可定仍當再為留心察訪積貯乃第一要政萬不可絲毫疎忽

雍正五年十一月十九日江南安徽巡撫臣魏廷

珍謹

奏為恭謝

天恩事臣蒙

恩賜

欽定詩經傳說彙纂

御製律厯淵源臣即郊迎至署恭設香案望

闕叩頭謝

恩訖臣跪捧敬閱

御製詩經序文知詩之為教所以明勸懲而行黜陟蓋
治世之大經非文人學士風雲月露之辭深有以

發明

聖祖仁皇帝修經垂教之意孔子刪詩取思無邪之旨則詩之為教自茲以後彰著流行如日月之經天江河之行地矣至律厯淵源一書闡理數之微奧集中西之大成使七政之行度五音之條理九數之本原明如指掌則天地費隱之道古今不傳之祕自此而發所未發矣臣當日備員內廷躬覲校對親炙

聖祖仁皇帝乙夜披閱不輟寒暑一字一句裁定悉出
聖心數十年來始能彙輯成書今日告厥成功復蒙

恩賜臣跪捧莊誦儼然如對

聖祖在天之神感激之至不覺嗚咽涕零不能自己臣惟
祕藏世世寶之虔恭修摺以謝

天恩為此謹

奏

據奏感激

聖祖深恩嗚咽流涕既如此何不勉竭心力以盡仰報之道况汝現守封疆又非無位者比若果非虛文但將今日感激真情存而不忘時時自省能具純然一誠則雖愚必明雖柔必強矣勉為之

同日又

奏臣兼理蕪湖鳳陽兩關今又滿一年矣查兩關錢糧除解正項二十七萬三千餘兩再解銅斤水腳銀四萬三千餘兩今歲仍有盈餘銀十萬餘兩其

中惟鳳關獨多至八萬四千餘兩而蕪關甚少止一萬七千餘兩查今年夏秋間江水長發港汊處處相同商船自上流曲汊小河多直抵廬鳳可以不由蕪關所以蕪關甚少而鳳關獨多也又查自江西沿江以來有九江蕪湖龍江三關俱收江廣及川江之運到貨稅而蕪關之稅額最多所賴者湖廣豆船之紛集以益課稅今秋湖廣受水豆船販來稀少故稅不及往年臣惟即兩關所收多少

之數據實解報為此具摺謹

奏

但稽查得法報解據實不令屬員吏胥滋隱匿之弊即是矣何論徵收數目之或多或寡也

同日又

奏臣於十一月初一日自江寧回至安慶一路沿江田地已種菜麥俱極青葱復得霖雨土脉滋潤又據署布政司噶爾泰報到各屬中晚稻俱已收穫

其安慶廣德州收有六分池州鳳陽收有七分亳州收有六七分太平和州潁州收有七八分寧國廬州六安泗州收有八分徽州滁州收有八九分至米價隨時長落不一就現在價值六十州縣中每一石價七錢至八錢餘者共八處價九錢至一兩餘者共十處價一兩至一兩二錢餘者二十二處價一兩三錢至一兩四錢餘者共十四處價一兩五錢至一兩六錢餘者共四處價二兩者惟歙

縣一處其蒙城縣係粟米一石價止四錢八分現
地方上命盜案件尚累累不絕何得遂謂安靜無事耶
在兵民樂業地方安靜無事合將收成分數并米

糧價值繕摺奏

聞謹

奏

覽

同日又

奏臣查上江一省錢糧自雍正三年以前歷十數年

地方

上有此三項警如人身有此三病全在良醫投劑
未清者有三項一項各屬民欠共七十餘萬臣已

得宜

空言亦復何益
題明立限嚴查可以漸次清理得民欠之實在而官

清理

民欠難事也談何容易
役侵蝕之弊即可以查明叅追矣一項無着虧空

已歷二十餘年共有五萬餘兩歷年巡撫催追者

止有二萬餘兩其餘係總督催追臣已將當日徇

隱失察及承追督催各官

照汝

題明分賠蓋徇隱失察承追督催之官俱有應得之
所議仍屬無著不過更一名色耳部議從公朕豈
處分坐以分賠亦復何辭今部駁行再加妥議臣

可徇汝私請若如此糊塗料理省力省心自然易辦矣
復確查仍照原議具本伏祈

聖鑒允臣所請則此項可易辦矣一項有着虧空共二
十二萬餘兩亦經二十餘年矣歷年巡撫催追者
亦止有二萬餘兩其餘俱係總督催追臣將臣所
應催各案親提嚴比上江惟此一項尚容查追彌
補又臣到上江兩年有鹽規二萬兩臣兩年絲毫
未收俱行文布政司查催入庫俟交收完日另行
奏明又臣在藩庫平規銀兩實用不盡其仍存留庫

此皆

活名鈞譽之小作用耳
中者俟臣離任時一總具報又臣交新年即六十

歲矣雖可勉強但覺精神不如往年當此重任何敢一毫自欺以致誤公伏祈

皇上另簡賢能料理地方使臣得補修書之地勉力校對以盡職守得聆

聖訓使臣晚年學問有所長進則臣之晚節末路得以保全皆我

皇上生成教誨之恩也臣虔恭修摺謹以具

奏

在朝較之在外擔荷之任案牘之繁原省心力況在廷大臣朕朝夕接見推誠恩遇體恤周備協和一堂汝自應欣羨企慕但汝蒙朕簡任封疆惟務潔己自好於民生國計毫末補益一切虧空錢糧案件率多畏首畏尾未能清楚一事而遽望內轉清要安閒適志以保祿全名如是則為臣不易之語謬矣仍若不肯身任勞怨竭力料理因循玩愒悠忽歲月亦不過如張楷裴率度鄭

任鑰李紱等之結局耳汝日前一片感激

聖祖嗚咽流涕之誠切寧非欺誑耶汝其勉之如欲晉秩
內廷為君臣聚會之慶須有整飭地方之勞績方可遂
意否則莫輕望也果能奮勉精神經理有效令朕嘉悅
豈止內補修書之地而已乎

雍正六年三月十九日江南安徽巡撫臣魏廷珍
謹

奏臣奉

上諭為計議總督臣范時繹養廉一事仰見

聖恩高厚無微不至凡為臣子莫不感激臣到任後於
雍正四年五月中至江寧盤查藩庫及雜項各款
據陞司石麟面言督臣轄三藩司其上江藩庫中
有平銀四千兩為總督養廉之資至上年十月中
臣到江寧封貯銀兩又據署布政司噶爾泰亦言
有此項銀兩今奉

上諭復行署司查明另行具

奏合將以前原由具摺先行

奏明伏祈

聖鑒謹

奏

覽

三省奏齊之日有旨

同日又

奏臣查上江錢糧除民欠及各官虧空另行分案

題明仍有各州縣錢糧火耗未經具

奏蓋因上江錢糧一年解布政司庫止有一百二十
餘萬其通省公務自辦理木植修造船隻以及每
年額辦顏料起解餉銀除發正項之外其餘不足
者俱出於各屬火耗之中如提各屬火耗分給各
官養廉再辦理公務竟至不敷所以未敢遽

奏臣今夙夜思維一省之公事當合一省之財賦通
計之其中正雜各項俱可資以補苴合上江正項

錢糧再算及雜項雜稅共有一百七十餘萬再將
各州縣漕糧南米麥豆等項加入共有二百萬若
每年徵收全完以加一耗算則有火耗二十萬矣
除辦理公務及各官養廉尚且有餘可以為錢糧
虧空補苴之用臣已行令布政司將各州縣錢糧
火耗合計通省所有確數另行開列細數及各用
項

奏明請

旨合先繕摺奏

聞謹

奏

提火耗之舉如肯秉公為之乃極有益於地方百姓之事設或以私心辦理措置不協其為害亦甚此在爾等大吏斟酌可為則為之若自信不及不敢為則不為亦可倘不發於本心又不肯秉公實力措畫均平曉諭百姓開導屬員聲言出自聖意而令闔省官民歸怨於朕

試仰面對

天能不愧歎耶近日直省相率彷徨行者頗多奏摺到朕
際如此批諭仍另有旨由內閣頒示矣

同日又

奏為恭謝

天恩事臣於三月初四日接到大學士臣馬齊等寄字
內開奉

上諭覽魏廷珍奏謝賜嘉穀圖栢梁體詩及帽頂式樣

等物一本內有野而有文草茅童叟咸識盛朝之制
作等語殊屬牽強不妥若係他人章奏中有似此荒
謬之語朕必究問今魏廷珍所奏錯誤朕姑不深究
爾等可寄信前往令其知之欽此到臣臣聞

命之下惶愧無地惟俯首叩謝

天恩格外寬大臣本淺學庸材當書寫之時實不自覺
其語不成文辭不達意茲蒙

聖明指示臣始深知荒謬既感且愧寤寐難安

皇上猶不即加顯斥止令寄信通知直如

天地覆載之德無所不包父母矜恤之心有加靡已臣

惟愈加砥礪使學問有所長進皆我

皇上教誨之恩也臣無任悚惕感激之至為此繕摺恭

謝

天恩謹

奏

覽奏已悉念爾內廷行走多年身受

聖祖天高地厚破格殊恩料必不忍為此譏諷文章所以
姑從寬恕汝當深自省察果出於無心不過一時忽畧
小過若出於有意宜大加警惕痛自克責慎莫存此不
可對越

天地神明自取誅戮之念也

硃批諭旨卷一百四十九上

欽定四庫全書

硃批諭旨卷一百四十九下

硃批魏廷珍奏摺

雍正六年六月二十日江南安徽巡撫臣魏廷珍

謹

奏為據實奏明事雍正六年五月十一日接到怡親
王暨大學士張廷玉寄字一封內開雍正六年四
月二十二日

皇上發下條奏一件內稱各衙門缺主前蒙

皇上盡行查禁一時弊絕風清天下無不歌誦

聖明獨安徽巡撫衙門三十餘缺多屬徽州之人至今

未能盡除子弟衣鉢相傳出入鄉黨鮮衣肥馬甚

於富豪其舞文作弊無所不有而錢糧房尤甚蓋

盤踞日久上下書吏俱串通一氣州縣官平時情

面往來者即有虧空一切俱為支吾登答掩飾侵

那本官不能一一清查受其朦蔽是以安徽所屬

州縣虧空甚多皆由於此今後似宜遵例查禁凡
巡撫衙門書吏名缺務令七府七州秉公考取殷
實農民取具里鄰甘結加具該府州縣印結保送
充當毋許仍存舊習則弊端可息等語奉

上諭各衙門缺主舞文作弊甚為吏治之害年來已降
旨令該管官嚴行禁革何以安徽衙門尚有此等之
人把持盤踞今既有人條奏必非無因魏廷珍何以
漫無覺察爾等可寄信詢問之欽此遵

旨寄信前來等因到臣伏查臣自雍正三年十一月十一日到安慶巡撫之任查點各房書吏多係徽州府人誠如

聖明所諭臣恐其通同盤踞舞弊為吏治之害欲一時盡去徽人又勢所不能當時臣初到任凡一省錢穀事件惟憑案卷而查核案卷之書吏尤在熟練況上江有二十餘年錢糧未經清楚之案頭緒紛煩若驟換一班新進其以前案卷一無所知

而目下諸務又無所據錢糧事件難以清楚所以
仍用原班各書吏辦理且各書吏俱係經制已經
咨部有名未曾察出過犯亦難革退然全用徽人
恐終有弊端所以臣自到任後已經陸續將各府
人兼補現在安慶廬州池州太平泗州等處前後
已共募補十有二人臣又行文張示各府州縣招
募農民考補無如各屬募到農民不特文義不通
且字多錯誤問以刑名錢穀茫然不知而律例又

一字不曾入目所考多人而中選者甚少現在仍行招募漸次更換至缺主之弊自雍正元年已經奉

旨禁革臣到任後又復嚴禁凡經制五年後滿者即令赴部考職另募更換其刑名錢穀各房臣親自僉點不使有一定之缺今奉

上諭臣復令書吏各具並無缺主名色結狀存案以永杜缺主之弊至條陳所云州縣錢糧虧空一切俱

係巡撫書吏支吾登答掩飾侵那事或有之以臣
愚見又不盡然蓋州縣之去任有虧空者其交代
接受之官必不肯受臣亦嚴禁必不令其接受一
毫虧空其州縣之現任有虧空者於年終奏銷知
府盤查虧則揭出如有容隱即行并叅責令分賠
至巡撫衙門凡錢穀刑名案件應咨應題俱以藩
臬兩司詳文為憑如州縣虧空司府州縣揭報至
院而巡撫不叅出此則巡撫書吏作弊為之壓案

也臣自到任後如有屬員揭到虧空皆親自查核
并無一案虛懸而不叅者臣斷不敢任其掩飾壓
案不行也總之為書吏者初雖農民久則狡猾舞
文作弊勢所不免要在本官為之主持如官將一
切文案件件入目則舞文之弊從何而生如官將
一切文案并不入目或入目而不能解其文義雖
俱換新役弊亦不免臣現將書吏在各府招募陸
續更換或有耳目未周之處舞文作弊招搖生事

者再加密訪查拏斥革究處外理合將臣到任後
已經更換各府屬書吏情由據實

奏明伏祈

聖鑒謹

奏

果如所奏應免物論矣然空言殊難準信

雍正六年十一月十八日江南安徽巡撫臣魏廷

珍謹

奏竊查上江十四府州所屬秋收分數今據署布政司鹽臣噶爾泰報到安慶池州六安州屬收成俱報八分徽州寧國太平鳳陽滁州廣德潁州亳州各屬收成俱報七分八分不等廬州府屬收成報收七分和州泗州屬收成俱報八分九分不等至六十州縣中米價隨時長落不一今就現在之價具報每米一石價銀六錢至七錢餘者共十二處八錢至九錢餘者共二十六處一兩至一兩一錢

餘者共十五處一兩二錢至一兩三四錢者共五處一兩六錢者惟休寧縣一處二兩者惟歙縣一處臣謹將收成分數并現在米石價值具摺

奏明伏祈

聖鑒謹

奏

據奏安屬米價內惟歙邑與各州縣迥不相同所以然之故朕殊不解且通省俱報豐熟而坐視一邑昂貴毫

無調劑爾所司何事朕更為不解

同日又

奏竊臣兼理蕪湖鳳陽兩關至九月二十日一年限滿其鳳陽關委鳳陽道何宗韓徵收蕪湖關委蕪湖縣知縣張驚徵收統計一年所收稅銀除解兩關正額銅斤水脚共三十一萬七千一百餘兩外仍共有盈餘銀十萬零三百八十餘兩其中蕪湖關盈餘三萬九千二百四十餘兩鳳關盈餘六萬一

千一百四十餘兩現在備文起解戶部理合先行具

奏又蒙

上諭查各關現行則例與原頒則例有不同者盡行徹底查明另刊頒示臣署在安慶離關路遠連年俱是委官管理未經親身徵收臣接部文之後現在逐款稽查未免稍遲時日俟一查明即行具

題合併

奏明伏祈

聖鑒謹

奏

此奏似屬預留地步汝意倘至不能徹底查明即以未經親身徵收一語借以塞責耳稍遲時日何妨但莫令後人檢點方可獲免過咎

雍正七年正月初十日江南安徽巡撫臣魏廷珍
謹

奏竊臣奉

上諭計議各官養廉一事伏查署布政司鹽臣噶爾泰
送到各屬實徵冊開安徽等屬每年共額徵地丁
雜辦蘆課等項銀兩并本折米麥豆漕糧通計共
銀二百三十一萬八千一十六兩零臣會同督臣
范時繹計議又據署布政司噶爾泰稱其漕糧正
耗米二十六萬六千二百七十七石零所有耗羨
止數兌運之費其各屬解司道本色米麥豆六萬

九千餘石所有耗羨亦止數州縣解省船脚舵脚
沿途折耗之費均無庸提解耗羨外實計共徵銀
一百九十八萬二千七百三十九兩零今請自雍
正七年為始計應提加一耗羨銀一十九萬八千
二百七十三兩零通計闔省公務并各衙門養廉
共需銀一十七萬八千八百兩零仍餘存銀一萬
九千四百七十一兩零以為臨時有公務急需及
每年錢糧徵解不能十分額數之開除合將通省

公務所費及各官養廉約計支存數目另具清單

敬呈

皇上御覽伏乞

聖明指示施行謹

奏

閱汝所開公費各款項有十餘條殊為朕所不解俱經
批諭單內以朕不解之心又兼信汝不及從何指示耶
雍正七年二月二十二日江南安徽巡撫臣魏廷

珍謹

奏臣奉

上諭計議各官養廉一事上江初議舉行未能一時定
妥容臣陸續具

奏如有臨時增用者另行再報如有臨時酌減者仍
貯司庫其與下江條件相同者俱照下江已行之
成規斟酌煩簡開銷庶無參差浮冒之處而事亦
無貽誤矣前摺各條下未開明原委是臣之疎愚

謹將

硃批十一條逐一聲明再行恭呈

御覽

一總督衙門齋表路費銀一百二十兩此項以前係在江寧齋表故係江寧布政司中辦理今錢糧歸款故開入耗羨中臣今議裁去

一總督衙門修理執事銀九十六兩此項原係一百九十二兩分上下江公辦今議裁去

一總督衙門奏清書銀二百兩此項以前係布政司中辦理今照依下江開入耗羨中

一將軍總督閱操銀一百四十兩此項以前共用二百八十兩係上下江司道公辦為操演賞兵之用今照依下江開入耗羨中

一錦衣衛役工食銀二十七兩四錢此項衛役惟江寧府設凡遇迎送

敕書

詔誥慶賀大典承捧傘扇各項其工食向係上下兩江
捐給今各項錢糧俱已歸款臣照依下江開在耗
羨中

一巡撫衙門歲修執事銀一百二十兩此項新任
新年有此費用故照依下江開入耗羨中臣今議
裁去

一江寧塘餉銀一千兩臣前開坐京提塘公費銀
四百兩是巡撫衙門中所給以辦公務此條原係

工墨銀二千一百八十兩係州縣捐給臣先議裁
據署司噶爾泰稱坐京提塘料理本省公事查封
部文不止鈔報此項議裁無人辦公今議酌減照
依下江開入耗羨中每年給銀一千兩

一江寧養喇嘛銀一百八十二兩零此項原係上
下江四六分辦上江應出四分係各屬捐給今照
依下江開入耗羨中

一每年藩庫解餉到部約需解費等項二萬兩此

項係照依下江開四萬兩上江止開二萬兩據署
司噶爾泰合算每年解餉到部五十萬每千兩用
公費四十兩是解五十萬餉即用公費二萬兩如
解餉數少即有餘剩仍存司庫

一每年藩司採辦顏料錫蠟等項每年市價低昂
不一約需協貼銀二萬兩此項銀兩據署司噶爾
泰稱布政司中承辦一年即有成規俟辦完之後
貼銀若干據實開銷臣以此項亦照下江開入俟

今年承辦時悉照下江已辦之數核酌實用另行
開報

一布政司衙門各節表箋銀一百四十兩此項亦
照依下江開入耗羨中臣今議裁去

原摺又有巡撫南北提塘紙張飯食銀一百六十
六兩一項此係江寧一處凡江寧安慶兩處文書
往來恐有沉擱舛錯在此稽查分發又有臨淮一
處自京中部文到臨淮分路一向江寧一向安慶

恐有沉擱舛錯在此稽查分發不在坐京提塘之中合併聲明伏乞

聖鑒指示施行謹

奏

件件必效法下江辦理始不愧封疆之任耶既欲模範他人步趨而後舉足乃不效法田文鏡李衛而甘心效法陳時夏張坦麟足見識見之超越矣據所開各款既俱倣照下江定議朕有指示亦祇宜專諭下江汝自倣

照而行何用諭汝為也

雍正七年六月三十日江南安徽巡撫臣魏廷珍

謹

奏竊照江省二麥因有閏月所以成熟稍遲茲據署
布政司噶爾泰報到各屬麥田收成分數如安慶
府六屬七分者三處八分者二處九分者一處如
徽州府六屬俱報七八分如寧國府六屬六七分
者二處八分者二處九分者一處尚有涇縣未據

報到如池州府六屬俱報八分如太平府三屬俱
報七分如廬州府五屬俱報八分如鳳陽府八屬
五六分者一處六七分者四處七八分者二處八
九分者一處如滁州并二屬七八分者二處八九
分者一處如和州并一屬俱報八分如廣德州
并一屬俱報七分如六安州并二屬俱報八分如
泗州并三屬六分者一處七分者二處九分者一
處如潁州并二屬六七分者二處七分者一處如

亳州并二屬七八分者二處八九分者一處至各屬米價隨時長落不一就現在報到之價六十州縣中每米一石價銀六錢至七錢者六處八錢至九錢者二十處一兩至一兩一錢者十九處一兩二錢至一兩三錢者五處一兩四錢至一兩五錢者四處一兩六錢至一兩七錢者二處一兩八錢者惟歙縣一處尚有涇縣蒙城銅陵未據報到理合具摺

奏明又據鳳陽臨淮盱眙三縣交界中鳳陽屯衛地方報有蝗蝻生發臣立即差員查撲已據各縣衛詳稱蝗蝻始生已經撲滅具結報到並未傷損禾苗又據泗州報新設潼安衛楊家湖邊虹縣報宿遷縣交界瀏馬灘地方生有蝗蝻臣又差員星夜查撲務盡今於六月十二十七等日俱具結報已經撲滅淨盡并未傷損禾稼合將情由一并

奏明伏祈

聖鑒謹

奏

覽奏二麥收成分數內與朕所聞相逕庭者不止一處
大抵將各州縣報文鈔錄一通而已竝未留心確訪至
各屬米價未開低昂先言隨時長落不一乃係自信不
及預伏游移之語以防舛謬之失耳似此無憑無實儘
可不必具奏且逐處皆用如字汝意蓋謂故套如斯然
則上江如是直省亦莫不如是若據汝意而論

聖祖當年特命各省督撫奏報雨暘米價是誠徒煩無益之事矣汝既有此見即當詳議直陳請朕裁酌停止斯舉也

同日又

奏竊臣前摺所開耗羨中有總督巡撫衙門僦造各標營糧餉各案奏冊紙張銀二百四十二兩俱係照布政司開來原單繕入摺中臣今正當核造兵馬錢糧奏冊之時即將布政司中書辦清書等共

十三人喚入臣署局戶修造共三十六日造完按日給以飯食每人四分竝自江寧至安慶來往水腳盤費一共合算止用銀二十五兩有餘臣已行布政司以後兵馬錢糧造冊俱照此開支至總督衙門造冊公費另行開報再前摺中又開藩司衙門採辦顏料錫蠟等項約需協貼銀二萬兩臣已聲明俟辦完之日協貼若干據實開銷臣於五月中在江寧秋審正當採辦之時臣將採辦官徽州

府同知傅楫面詢每斤每擔原價若干協貼若干
以至解交水脚費用各項若干令其據實細開不
得浮冒仍由藩司轉報今於六月中據署布政司
噶爾泰據同知傅楫細開上江一年所辦一切顏
料共止應協貼銀一萬一千九百餘兩並不需二
萬之多臣復令再行核實另報至于公事應用者
如在安慶臣親歷其事俱行查照確實開銷今將
查明二項具摺

奏明開支臣更有請者巡察御史戴音保在上江開

銷養廉銀一千二百兩今盤查御史伊拉齊事同

同奉

差違自應一例給與奏已遲矣
一例亦應給發養廉銀一千二百兩在耗羨中開

支伏祈

聖恩指示以便遵行謹

奏

覽

雍正七年九月十六日江南安徽巡撫臣魏廷珍

謹

奏竊照今科文闈輪臣監臨臣凜遵

功令率同在事諸臣克勤克慎士子入場點名臣親
身監查第一場搜出上元縣生員楊大芳夾帶文
四十八篇第二場搜出奉賢縣生員相溥夾帶表
五篇又搜出懷寧縣生員張一元夾帶表一篇臣
俱遵例枷責斥革於九月十一日揭曉至十六日
忽訪聞匿名帖有第二十二名中式王以式第七

十九名中式王以秀係伯叔兄弟俱不能文同榜
叨中有傳係關節有傳係傳遞若非公同覆試正
偽難定除現在咨會正主考臣黎致遠副主考臣
李清植及在事諸臣公同覆試如果有關節傳遞
情弊臣即另疏

題叅嚴審究擬謹先具摺奏

聞并附有主考臣黎致遠李清植摺一封一併恭呈

聖鑒謹

奏

若無主考官之奏諒汝亦置之不覩不聞而已

雍正七年十月二十五日江南安徽巡撫臣魏廷珍謹

奏竊臣自江寧由水路回安慶已經具

題報明在案臣在江面查看兩岸麥田俱經種植有田間已出苗者俱極青葱碩茂其各屬秋成分數并米石價值據署布政司噶爾泰報到細查其中

俱按收成幾分之數逐細開明摺中冗長難以分
析臣謹將收成數照冊另開清單恭呈

聖覽至上江六十州縣中現在米價每石六錢至六錢
五分者共七處七錢至七錢八分者共十八處八
錢至八錢五分者共十四處九錢至九錢六分者
共七處一兩至一兩一錢者共八處一兩二錢至
一兩三錢者共四處一兩四錢者一處一兩六錢
者一處理合一并奏

聞謹

奏

覽

冬雪闕係來年麥禾預兆當竭誠為蒸民籲禱若但以
一己之利害私心邀求則未必見應於汝也

同日又

奏竊臣欽奉

上諭密拏趙七一案隨查小孤山為江西上江交界其

旱路為潛山營所轄臣即委潛山遊擊雷逢春差
員橫截江面密緝又查梁山采石為上江下江交
界是遊兵營所轄臣即委梁山遊兵營遊擊閔璫
橫截江面密緝其中間安慶池州蕪湖各令本地
文武官上下往來緝拿臣自江寧回一路俱面見
申飭至揚州儀徵是趙七居住之地臣又咨下江
巡撫差官密緝至彭澤湖口至武昌一帶是趙七
出沒之地臣又咨江西湖北巡撫差官密緝又慮

似此
遍處張揚風聲愈露趙七必不就獲矣從前輒降

諭於汝等痛無能之督撫乃朕之誤也實亦無顏

江西湖北緝緊趙七或走湖南臣又咨湖南巡撫

責汝等

差官密緝今各省俱有回咨到臣一有聲息時相

通聞此臣愚見先行

奏明至河間府河間縣貢生王之銳臣原俟其一到
安慶即差人伴送到京臣候至今忽於十月二十
三日王之銳到安慶臣細訊來自何處據云為河
東督臣田文鏡差員伴送到京問明無干奉

旨釋放回家難以度日以臣係同府人又同為李光地

選拔貢生來求資助臣將王之銳已羈留在署但

果否問明無干奉

雖經查明無干

旨釋放回

家抑係捏

詞臣無憑

信理合具

摺請

臣等仍敢至

此處求助亦係不

安分之輩當驅逐之

旨伏祈

聖明指示謹

奏

覽

同日又

奏竊臣兼理蕪湖正陽兩關八月二十一日又滿一
年限期臣自江寧至蕪湖查點錢糧合蕪正兩關
總數一年共解正額并銅斤三十一萬七千一百
餘兩之外今歲錢糧豐裕仍有贏餘銀一十一萬
餘兩蓋因今年秋中江水平順未曾漲溢每年商
船冬春乘江涸始下者今秋先到者甚多所以關
稅盈盛除一面解部外合先具報臣又查江寧藩
庫所收耗羨銀兩據署司噶爾泰稱今歲所收各

覽

州縣耗羨銀兩已經十萬有餘詳請散給各官養廉銀兩前來臣隨與督臣范時繹面商各官養廉已先發一季除所收耗羨辦理公事外陸續按季給發各官養廉理合一併

奏明伏祈

聖鑒謹

奏

養廉乃係即應給與之項必多方掙勒朕殊不解其故

在汝無非潔身預防之意耳

同日又

奏竊查今科江南鄉試於九月十一日揭曉至十六日訪聞有匿名帖中式舉人王以式王以秀係叔伯兄弟一榜同中云係關節傳遞臣隨先行

奏明一面會同正主考臣黎致遠副主考臣李清植布政司臣噶爾泰提調臣劉永鐸等於十八日出題二道復加面試王以式王以秀俱各成二篇竝

非目不識丁者但細看面試之文氣尚清順中有二三錯字隨令江寧府李如蘭懸重賞購求匿名人即於二十三日拏獲貼匿名人係武舉陳銳與王以式王以秀對門而居據供有夙嫌所以挾仇而貼除飭提調官劉永鏞外監試江寧府李如蘭嚴審如果有關節傳遞情弊或係陳銳挾嫌誣貼照例究擬另行奏

聞再臣離安慶已兩月有餘匿名人已經拏獲其應親

審具

覽
題事件積累甚多臣於九月二十五日即自江寧起

程先回安慶料理理合一并

奏明伏祈

聖鑒謹

奏

黎致遠李清植來京復命將此案情節已備悉奏知矣
雍正九年三月二十五日署理湖北巡撫臣魏廷

珍謹

奏竊臣接到大學士張廷玉蔣廷錫字奉

上諭嚴訓臣偏執多疑駁查案件以致遲延不結計及
米鹽等事臣捧讀之下惶悚無地臣蒙

皇上高厚之恩署撫湖北夙夜兢惕事無大小親身料
理未嘗一日敢自暇逸奈臣材質魯鈍事多愆尤
屢蒙

天恩不即罷斥又蒙

教訓委曲懇切臣感愧交集無以自容敬將各件為我
皇上陳之臣平日遇事過於拘謹臣亦自知屢加改悔
至於偏執已見臣則不敢凡地方應咨應題之件
必須會稿臣若偏執其非督臣亦斷不肯會稿况
案件俱上達於

聖主之前日月照臨之下豈容偏執即如湖北民欠有
查出書後侵蝕者從前僅私行催追補項臣於此
極言必叅出審追使以前侵蝕者力為完結則以

後之書後知所懲而不敢侵蝕所以公同會稿叅
出竝未有督臣不會稿而臣偏執獨行之事至楚
省歷年案件遲延臣到任後即用三催之法遲則
叅其官如遲至二限不結者即照例嚴叅將遲延
之官革職留任在案如果因臣駁查至於遲延臣
何能再叅以革職蓋湖北案件以前幾年拖延不
結者皆因案內牽連督撫司道大員府縣不能取
上司之供所以甘受叅罰久而不結臣到任後已

將田關一案審結將以前巡撫藩司叅處再假印
水程一案又將兩司叅出革職發審竝不敢有瞻
顧之處此二案係臣所自審俱已

題明至徐聚倫揭武關一案係督臣與臣會審之件
司中尚未審解至於駁案如情節未明定罪不當
此應駁者若無情弊一駁即可回覆若駁之即遲
延不回覆者皆有弊也凡有弊之案多不早審早
解挨至限滿迫以無可駁之時日欲朦混結案一

經駁下又歸遲延於上司此楚中審案之積弊也
臣已屢加嚴叅無奈積習已久恐駁出以前之弊
端故有是言現今假印水程之案五年不結其明
證也至地方官厯來求巡撫為之擔當者多是不
當外結之案求作外結免其叅罰或倉庫錢糧求
通融支放除此之外別無求擔當之處但此乃是
上下通同之積弊臣則力除之於應叅者必叅錢
糧不合例者不支此所以謂臣不為之擔當或因

此謂之偏執然此皆弊也臣故不敢與之通同也
至官員議事應行應止臣必面為分析不使有疑
似之處蓋地方官即臣所屬如有事件即可當面
問明又何用臣之疑乎至山東饑民一件係上年
冬月江邊忽來小船數隻既非漁人又不載貨恐
為匪船令人探視其形跡不似匪人臣故云既非
匪船聽他去罷不必驅逐但必查其來歷及查其
來歷又有自陸路來者方知為饑民遂令武漢兩

府查明賑濟現今陸續委官送回原籍不誤春耕
至臣衙門每早開門放水菜時恐書役傳遞信息
賒欠貨物及私添數目字句俱可暗藏作弊臣所
以將日用菜蔬及書役食米各釘一簿凡開載明
白者方許買入每早令一人稽查此臣所以防其
弊竝非臣親身計及於此也臣見歷來官吏叅案
俱是門上作弊臣在湖北故用此法門上之弊庶
乎可查臣自奉天進京蒙

皇上面諭臣

聖祖皇帝有保臣不與阿其那同黨之

聖旨又蒙

皇上格外洪恩畀以封疆重任今年已六十有三僅生

一子甫及三周臣之有後惟望

天恩保全夫復何所疑懼何所瞻顧一切傳聞臣過伏
望

聖明時加教訓有則徹底洗滌無亦倍加勉力夙夜勤

惕策勵駑駘以仰報

高厚於萬一耳為此繕摺具

奏伏祈

聖鑒謹

奏

此奏嘉悅覽焉若肯如是存心復有何可訓諭恐汝不
識朕意妄生疑懼耳今既胸懷渙然無他顧慮但當竭
力勉盡職守以仰副任用王士俊交代畢來京陛見後

方赴湖北為期尚早一切政務毋因暫署涉於草率從事

雍正九年四月初六日署理湖北巡撫臣魏廷珍
謹

奏竊臣據黃州府知府康忱黃安縣知縣鍾彝詳報
拏獲縣中居民管廷訓即管天申彭又文學習邪
教又在伊家前後搜獲銅劍符書圖印紬符紙符
等件據管天申供習大成教係彭又文彭皇次所

傳而彭又文供彭皇次係從信陽州胡良友家學
來再羅山縣亦有此等同教之人事關邪教惑衆
例應通詳因口供不一夥犯不齊虛實莫定除將
管廷訓彭又文收監起獲符書銅劍等貯庫一面
關提彭皇次胡良友等獲日另詳臣按學習邪教
例應叅糾除飭審明口供另行陳

奏外理合先為具報伏祈

聖鑒謹

奏

似此例應題結案件何必多此一番瀆奏耶

雍正九年七月十三日署理湖北巡撫臣魏廷珍
謹

奏竊查湖北地方交夏以後雨澤調勻稻田茂盛早
稻現今收割各屬俱報有八分九分十分中稻亦
俱豐茂結實七月後可以登場即瓜果菜蔬亦俱
收熟據民間云數年來今年各項俱收至江間水

汛五月平順六月初間始見大發每日長至一二尺初十日以後漸平交七月初間始定較之上年江水尚小一二尺查各屬臨江堤岸據布政司徐本據各州縣報到堤岸現在修築完固並無衝決除一面仍令加謹防護尚有秋汛務保無虞又各屬有存七糶三之米米既有餘早稻又已新收米價甚平兵民安業除中稻收成分數查明另報外今據各屬報到早稻收成分數米石價值臣謹另

摺分析恭呈

聖鑒為此謹

奏

據奏早稻已收米價平減以手加額覽焉

雍正十年四月二十六日漕運總督臣魏廷珍謹
奏竊臣於本年二月二十二日跪請

聖訓即於二十五日起程途中接到大學士鄂爾泰張
廷玉蔣廷錫字欽奉

上諭寄信與臣即將性桂所派廟灣等四營兵丁改隸於左右兩營仍不時親加訓練務使技藝精銳以備調用其一應添設員弁等項事宜悉遵前旨行欽此

臣於三月二十一日到任而廟灣營遊擊適在淮城臣隨宣布

皇仁明白曉諭各將備兵丁無不歡欣踴躍於四月十二日廟灣新兵七十名俱送至淮城臣即親自逐名點驗賞以銀米安頓入官房屋居住使其得所

分收左右兩營朝夕訓練於十七日又據鹽城營報將新募兵丁六十六名亦送到淮城時臣已起程渡過黃河隨即令臣標中軍副將點驗賞以銀米安頓訓練仍有海州東海兩營新募兵丁尚未送到今糧船全數俱行催過黃河已進中河

天庾甚重臣又親自押漕北上抵通但淮城營房至今尚未修造兵丁子身而來其家口仍在本地臣隨咨明督臣尹繼善撫臣喬世臣并行布政司令其

速為料理蓋造營房使遠來兵丁有以安身且令其家口俱搬入淮城再東海一營所添新兵其中有前任漕臣性桂召募趕繒船水手九十二名俟到淮時看驗如果海洋路熟善操舟楫即令在東海營作水手其淮城兵丁另行召募如仍是初募農民未經學習水戰似應仍歸入一千名數之內其趕繒船水手另行召募臣又已咨商督臣尚未准有回咨臣到任後在署僅有二十餘日今又至

山東臺莊督催漕船過關所有應行事宜容臣查明另行節次具報外合將調到廟灣鹽城等營新兵收隸標下左右兩營訓練原由先行

奏明伏乞

聖鑒謹

奏

覽奏俱悉武備關係綦重其加意訓練時刻毋得少忽

同日又

奏竊查淮安城中漕標及城守營兵丁共一千七百七十五名再添新兵一千名以及廟灣鹽城海州東海四營兵丁共有五千五百一十名其每季糧餉俱自淮安府庫支領但淮安府庫並無存貯銀兩預備兵餉俱係各州縣撥解到淮支銷每季旋解旋支稍有撥解未到兵丁係按月授食府庫又無別項可支每致周章以前漕臣衙門遇有急需即調取河庫銀兩茲臣面問河臣嵇曾筠云今歲

河工工程頗多亦不能寬裕以臣愚見淮城七營
兵餉請照上年湖北所行每府存貯一二萬兩之
例以備急需將司庫錢糧撥三萬兩即交於淮安
府知府常貯府庫其每季兵餉仍照例在各州縣
撥解如至月初撥解未到即先動支存貯之項俟
解到撥餉補足不得懸欠如有軍需應用者即一
面具

題一面動支每年

奏銷時一例盤查如有虧空即行嚴叅究追一以預
備軍需一以接濟緩急庶公事有備而士馬飽騰
矣臣愚昧之見伏祈

聖明指示如

允臣請臣即另行具

題為此謹

奏

具題到日有旨

雍正十年五月十三日漕運總督臣魏廷珍謹

奏竊臣奉

上諭將性桂所派廟灣鹽城海州東海新添兵四百名
收入臣標不時訓練臣到任後已據廟灣鹽城二
營送到新兵一百三十六名分入左右兩營訓練
業經

奏明在案今又據海州營送到新兵一百二十名東
海營送到新兵一百四十四名臣俱令中軍副將

點驗分入左右二營朝夕訓練務使技藝精銳其
應添員弁蓋造營房修整甲器與督臣尹繼善撫
臣喬世臣商酌妥協另行具

奏合將新添兵四百名俱已送到淮城收入臣標訓
練緣由先行

奏明臣更有請者淮安貧民草房多用葦牆竹竈皆
易於引火臣前在山東臺莊接到報文清江浦民
間失火延燒三百零二家草房五百餘間並未傷

人臣已嚴查尚未查到但今新蓋營房基址俱附
連衙署民舍又逼近倉獄之地若一例蓋作草房
火燭堪虞臣令料估屋頂以瓦覆之所費不多且
可經久合并

奏明伏祈

聖鑒謹

奏

營房覆瓦以防火患曲突徙薪之見也是

雍正十年十一月十一日漕運總督署理兩江總督臣魏廷珍謹

奏竊臣准前署督臣尹繼善移交京口挑河一案緣今年七月內江潮湧發沙淤淺阻經尹繼善行常鎮道王之錡會同叅革河庫道留南效力康宏勲估計挑濬臣復據詳駁核確估造冊前來臣查京口一帶為南北運行咽喉每年撈浚止取浮泥今秋江潮湍發岸上之土下卸隨潮之沙積留據王

之錡詳稱目下河水深處止二三尺淺處僅七八寸往來重船實難行走撈淺不足以濟事必得大挑方可過行自江口起至丹徒間計程二十餘里河面挑寬七丈底寬四丈深八尺其中運土遠近不一其挑土方打壩車水各項共估銀一萬八千餘兩復令核減仍需銀一萬七千九百餘兩亦不須動正項地丁錢糧查藩庫有厯年蘇松等處協濟歲修此河節省銀一萬一百六十三兩可以動

用如有不敷查叅草河庫道康宏勲荷蒙

諭旨效力贖罪願捐銀三萬兩以備效力之用即可於
康宏勲捐款內動用再丹徒糧船曩泊運河兩岸
民船往來擁擠難行今查有支河二道一名拖板
橋河長六百五十三丈餘一名利涉橋河長三百
二十七丈餘年久淤塞今議開挑估銀八千七百
餘兩臣令核減仍需銀六千七百餘兩挑後令糧
船住泊其中修艚受兌不致擠礙河道阻滯商民

至挑河打壩車水工程甚多時已冬深難以再遲
臣不揣冒昧請一面具

題一面即動厯年協濟存銀支用庶不誤事即委常
鎮道王之錡鎮江知府毛德琦監浚再令康宏勲
協修竝令熟諳河員分任其事至拖板利涉二支
河俟運河工竣之日明春次第舉行其銀兩亦酌
於康宏勲捐款內動用且今秋被風潮之民藉此
傭工度日又有裨益除將挑河各事宜另疏

題請仰懇

聖恩俯賜允准合先將挑河各緣由繕摺奏

聞伏祈

睿鑒謹

奏

挑河各事宜於題本到日有旨

雍正十一年正月二十四日漕運總督署理兩江

總督臣魏廷珍謹

奏竊查蘇松等屬上年七月內風潮之後沿江沿海
州縣營房墩臺城垣等項多有坍塌之處隨經前
署督臣尹繼善一面繕摺

奏明一面檄行通查酌量動項興修在案今據蘇州
布政使白鍾山詳稱常熟昭文華亭奉賢婁縣金
山上海南匯青浦福泉江陰靖江太倉鎮洋嘉定
寶山崇明通州如皋等十九州縣分委各員協同
地方官悉心查看其營房墩臺為兵丁棲止瞭望

巡防之所海疆要地修理不容刻緩今於十九州縣中除福泉縣工程無多已經該知縣捐修又崇明嘉定二縣估勘尚未報到外其現在十六州縣共估銀七千餘兩此亦不須動正項地丁錢糧查各州縣現有從前捐修營房墩臺以濟軍工銀兩提解應用又查藩庫內有雍正九年於無礙於國無礙於民案內查出不克餉鹽規兩淮運司歲解藩庫銀七千三百八十兩內動支修整又查上海

南匯靖江太倉嘉定寶山崇明等七州縣城垣坍卸逼近海濱修理亦難稍緩但工程甚繁一時難以畢舉今酌於被水最重而坍卸最甚者於七州縣中先將上海南匯太倉崇明并太倉同城之鎮洋等五州縣先行興修共估銀七千五百餘兩其銀亦不須動地丁正項錢糧查司庫中現有

奏留公用所收鹽商壬子綱匣費銀五萬兩內酌動修造且當此青黃不接之際小民藉此工作亦可

出力餬口等因前來臣以所詳營房墩臺海濱城垣實屬緊要一面先將最要者動工興修一面再令駁核確實數目造冊另行具報合先繕摺奏

聞伏祈

聖鑒謹

奏

所奏興修營房城垣各工及動用之項均屬合宜知道

了

同日又

奏竊查下江沿海地方於上年七月內風潮之後據各營報到有漂失戰船馬匹等項亟應次第修補前經署督臣尹繼善行蘇州布政司確查動項修補去後今據布政使白鍾山詳覆前來臣查崇鎮各營擊損趕繒船六隻沙船一十六隻狼山鎮營沙船一隻唬船二隻吳淞營沙船二隻崇明戲臺等沙應設小哨船十隻原議將現存入官鹽盜船

十隻改用今入官船十隻亦被漂失應另行成造
以上共船三十七隻俱係巡防要艘未便缺少曩
例於地丁項內動用今請仍於地丁銀內動支或
應成造或應加修俟核明工料確數另報又查得
提標竝崇鎮各營共淹失馬一百八十二匹營馬
關係操防為數既多不能責之兵丁又不便遲久
虛懸已准提臣南天祥動支軍需加乾等銀買馬
補伍在案查購買戰馬曩動朋扣銀兩今查藩庫

現存雍正七年各營解到餘剩朋銀五千餘兩應
於此內動撥每匹一十四兩共銀二千五百餘兩
蓋因戰船馬匹營伍不可一日缺少况沿海地方
尤為緊要除一面具疏

題請一面飭令藩司分別核實另冊送部外合先繕
摺奏

聞伏祈

聖鑒謹

奏

業既具疏題達何必又具摺奏况其中竝無請旨裁酌處類此煩瀆嗣後不可以已乎

雍正十一年三月十八日漕運總督署理兩江總督臣魏廷珍謹

奏竊查江省二月以後雨暘時若土膏滋潤天氣和旭前於三月初六日臣自到郊外親見四野青蔥麥苗茂盛收成可慶竝據上下兩江各屬陸續開

報前來臣查江寧府屬報入春以後連得瑞雪雨水調勻二麥甚茂惟江寧上元二縣於三月初三日雨後冰雹一陣麥苗無損安慶府屬報二麥長發茂盛已經芑花將次出穗徽州寧國府屬俱報雨水霑足二麥暢茂太平廬州池州府屬俱報麥苗青葱雨水調和收成可望鳳陽府屬報雨澤調勻二麥茂盛雜糧次第下種低窪之地更覺茂盛滁州和州廣德泗州并所屬俱報二麥長發情形

暢茂六安州潁州亳州并所屬俱報春雨四野均
沾二麥茂盛蘇州府屬報麥苗茂盛入春雨水調
勻可獲豐收松江府屬華亭奉賢婁縣上海青浦
福泉等縣俱報二麥茂密青葱惟金山南匯二縣
尚未報到常州府屬俱報今正雨水調勻目下天
氣和暖麥苗暢茂惟宜興靖江二縣報三月初三
日將晚風雨冰雹一陣麥苗受傷無多約有一分
鎮江府屬報麥苗秀發青葱可愛揚州淮安府屬

俱報入春雨雪覃敷溫和晴霽麥苗長發茂盛太
倉州并所屬嘉定鎮洋二縣俱報晴雨調和麥苗
茂發內惟寶山崇明二縣報二月雨水稍多現在
晴霽滋長徐州海州通州并所屬俱報四鄉霑足
麥苗漸長茂盛邳州并所屬之宿遷睢寧二縣尚
未報到理合繕摺奏

聞伏祈

聖鑒謹

奏

覽奏江南全省雨澤調勻麥苗長發朕不禁額手欣慶
雍正十一年四月二十四日漕運總督署理兩江
總督臣魏廷珍謹

奏竊查四月以來各屬報到大麥結實多已收穫小
麥暢茂漸已結實農家深為欣慶今有江寧江浦
二縣沿江交界於初七八等日具報二縣江洲蘆
葦叢中偶有蝻子生發臣隨飛委標員協同地方

官星夜撲捕民有交蝻子一斗者賞給錢文莊民
利賞紛出捕捉遂即報完竝未有傷麥苗禾稼又
上江之潁上縣亦報低窪湖地內有蝻子生發甚
少遂即撲滅竝無傷損麥苗臣隨通飭各屬不時
查察嚴加防閑毋得疎懈再徐州沛縣睢寧交界
處所於三月三十日雨中帶冰雹一陣田禾稍有
損傷雖據報通州縣而計不及十分之一猶恐間
有當其重者現在飛飭該州縣查明田畝有無力

者借給籽粒補種以冀有秋再二麥漸次登場民間種秧在即田內微覺少水臣於四月初八日設壇祈雨江寧府屬據報初九十一十四五六等日得有微雨蘇州松江常州鎮江等府屬據報初八初九初十十四五等日俱報得雨尚未霑足臣仍擇期虔誠祈禱恐塵

聖懷理合繕摺奏

聞謹

奏

蝗蝻初生亟宜撲捕須嚴督該有司竭力為之此猶人力所可消弭之事年來屢試屢驗但若一令飛起則難以措施矣切不可被屬員欺蔽暫時疎畧遺害非細倘致成災則責歸於汝也慎之毋忽

雍正十一年六月十九日漕運總督臣魏廷珍謹
奏竊查五月內淮安以北州縣間有蝻子生發除當
即撲滅外惟徐州安東沛縣豐縣地方尚未捕盡

先是臣在江寧因上年夏間江南生蝻今歲淮北
舊生蝻之地恐復有生發臣隨預行各屬并淮揚
淮徐道府各州縣及漕河二標中軍副將淮安城
守營叅將預先差人各處查勘有即撲滅當其初
生亦易為力也後據各屬陸續報到或幾塊或幾
畝所生無多又經節檄嚴飭委員督率速令撲捕
今徐州安東沛縣三州縣俱報捕滅蓋因徐州豐
沛等縣接連山東地方俱近於微山昭陽二湖湖

水大則沿湖邊之蝻子變而為魚湖水小則沿湖
邊之魚子又變而為蝻惟此等處恐尚未盡臣於
六月初三日到淮又委標員督同地方官上緊查
勘撲捕毋分此疆彼界協同撲滅隨於本月十三
等日據徐州安東沛縣豐縣報到以前所報之蝻
俱已捕滅恐厪


聖懷理合繕摺奏

聞伏祈

聖鑒謹

奏

據奏蝗蝻俱經撲滅深慰朕念



硃批諭旨卷一百四十九下